

Phatlalatso ya boqolotsi ba ditaba e mabapi le kahlolo tabeng ya Regiments Capital

Tshwane, 19 Motsheanong 2023 – Khomishenara ya Ditshebeletso tsa Lekgetho tsa Afrika Borwa (SARS), Mong. Edward Kieswetter o boletse hore o kgotsfaditswe ke qeto ya Lekgotla le Phahameng la Maipiletso ya la 18 Motsheanong 2023 tabeng e neng e le pakeng tsa Khomishenara ya SARS le Regiments Capital (Pty) Ltd mmoho le ba Bang.

Mekga e mmalwa, e neng e na le "kgahleho" tabeng ena ya Regiments e ile ya tlisa kopo e neng e batla hore ho fetolelwa ha thepa ya Regiments tjheleteng ho behellwe ka thoko. SARS e ile ya kena dipakeng mme ya hanana le kopo eo ya ho behella ka thoko ho fetolelwa ha thepa ya Regiments tjheleteng; empa le ha ho le jwalo, Lekgotla le Phahameng le ne le se le ile la etsa qeto ya ho behella ka thoko ho fetolelwa tjheleteng hona.

Tabataba ya mehato ena ya lekgotla e ne e le mabapi le matla a ho qhaqholla ditranseskhene tse bonahalang tsa diabo le ho sireletswa ha kabo ya merokotso.

SARS mmoho le ba jarang boikarabelo ba ho fetolela thepa tjheleteng ba ile ba ipiletsa kgahlano le qeto ena ya SCA eo ha jwale e seng e behetswe ka thoko qeto ena ya Lekgotla le Phahameng le ho tiisa ho fetolelwa ha thepa ya Regiments tjheleteng. Ditlamorao tsa qeto ena jwale di beha ho phethelwa ha khampani ena, ho akareditswe le tlhophisobotjha ya matsete a khampani, matsohong a ba jarang boikarabelo ba ho fetolela thepa tjheleteng le tlasa bodisa le tataiso ya Hlooho ya Lekgotla le Phahameng.

Ka ho fetola qeto ena ya Lekgotla le Phahameng le ho ananelwa ha boipiletso ba SARS, SCA ntle le qeaqeo e fumane hore Regiments e feela e tjhonne ha ho shejwa dintlha le tsa kgwebo le hore ho ne ho se motheo wa hore ho phethelwa ha yona ho ne ho sa hlokehe.

Tsena tsohle di paka hore SARS e na le tsebo ho tse mabapi le tlhophiso ya tsa kgwebo le hore e na le boitsebelo le maikemisetso a ho kena dipakeng le ho sebetsa ka thata ho sireletsa mokotla wa naha le ho sebetsa ka boitelo molemong wa kakaretso wa motheo wa lekgetho.

Khomishenara Kieswetter o itse: "Sephetho sa taba ena e tshopodi le eo ho neng ho ngangisanwa haholo ka yona e bontsha boitlamo ba ka nako eo ke neng ke qala tshebetso, ho etsa tsohle ntle le qeaqeo le hore ke lwantshe ka hohlehohle maiteko a ho hapa mmuso le ho kgutlisetsa tshepo ya setjhaba."

Ho fumana lesedi le fetang lena, ka kopo ikopanye le SARSMedia@sars.gov.za

KE PHETHO